

Отсавны Васёвской организациялө мөдкөдсьөтны удж

Кудымкарской районисъ Васёвской комсомольской организациясы комсорт Бражкин С. И. комсомолец цез коласын оз нуёт некышом политико-воспитательной удж. Отчетно-выборной собраннэ бөрын организациянын эз-на вөв нельки өтик комсомольской собраннэ. Бражкин комсомолеццекөт өтпыр эз сөрнит союзной удж йылысь.

ВКП(б)-лесь история велөтөм өнөдз абу организуйтөм. Комсомолеццез некытөн оз велөтчө. Газеттэз да журналлэз оз лыддьө. Ния оз төдө ВЛКСМ ЦК-лөа IV да VII пленуммезлөн решевнээз йылысь. Нийө некин оз төдсав, кызд народлөн враггез нуөтисө и пешлсьөны нуөтны ассиныс подрывной удж комсомолын. Этасын комсомолеццезлөн политической бдительность өддьөн лажмыт. Мукөд комсомолеццез сө эшө веритөны религиозной брехняэзлө, а поповской святкаэз костанельки мөдисө ветлыны кызысьны.

Комсомолгаэз Бражкина Н. И. да Бражкина Н. П. ВЛКСМ программа да устав төдөны умөля; умөля төдөны, кытшөм задачаэз сулалөны ВЛКСМ членнэз одзын. Нылө колө быд лунө заботливөй отсавны велөтны комсомоллесь программасө да уставсө, но комсорт Бражкин эта йылысь оз и думайт.

Рыттэз коста сы туйө, медбы велөтны ВКП(б)-лесь, история, өтлаын лыддыны газеттэз, сөрнитны сы йылысь, мый керсьө мукөд странаэзын, велөтны агротехника, комсомолеццез өксысө да вьсьтавлөны өта-мөдлө сказкиэз, нето орсөны картиэзөн.

Январь 13 лунө колес керны комсомольской собраннэ да обсудитны Кудымкарской районной комсомольской конференциялесь итоггез. Однако, Бражкин собраннэсө эз кер, а мунис празднуйтны религиозной праздник. Рытнас локтис гортас стельки кодь кодөн. Сидзжө эта лунө ветлис праздникө комсомолец Бражкин Я. В.

Эта тшөм безобразияэз йылысь бура төдө ВЛКСМ райком да сылөн секретарь өрт Ильиних, но некытшөм мераэз оз примит, медбы вьськөтны организациясө большевистской туй вылө.

Васёвской организациялө колө райкомсынь ыджыт деловой отсөт. **Николин**

Окружной комсомольской конференция йылысь

X Коми-Пермяцкой окружной комсомольской конференция оссьө талун (январь 30 лунө) рытнас 6 часө гортатрын.

Делегаттэсө регистрируйтөм пондөтчис асывсынь ВЛКСМ окружкомын. **ВЛКСМ ОК.**



Комсомолеццез—коми-пермяккыз, көдна участуйтисө Хасан тыдынся бойезын.

Снимок вылын: пукалөны (шультгаланысьнь вьськытланы) боеццез—Харин, Бекетов, Сторожев, Е. Н., Пикулев Г. Ф., Кривошеков С. И.; сулалөны — Отинов Г. М., Бусов С. П., Утев К., Останин А. С., Андреев И. И. (взводлөн младшөй командир).

Наркомтяжпром торйөтөм кватъ Наркомат вылө

СССР Верховной Советлөн Президиум январь 24 лунся Указөн Наркомтяжпромс торйөтис кватъ Наркомат вылө:

1. СССР-исъ Топливной промышленности Народной Комиссариат вылө. Наркомө пунктөм өрт Л. М. Каганович.
2. СССР-исъ Электростанцияэз да электропромышленность Народной Комиссариат вылө. Наркомө пунктөм өрт М. Г. Первухин.
3. СССР-исъ Черной металлургия Народной Комиссариат вылө. Наркомө пунктөм өрт Ф. А. Меркулов.
4. СССР-исъ Цветной металлургия Народной Комиссариат вылө. Наркомө пунктөм өрт А. И. Самохвалов.
5. СССР-исъ Химической промышленности Народной Комиссариат вылө. Наркомө пунктөм өрт М. Ф. Денисов.
6. СССР-исъ Строительной материаллэз Промышленность Народной Комиссариат вылө. Наркомө пунктөм өрт Л. А. Соснин.

ВӨРЗАПТАН ФРОНТ ВЫВСЯНЬ

Медбур уджалисез рекомендуйтөмсь награда вылө

Бөрын медбура уджалисез, көдна тавося сезонө записсө вөр унагык 1000 фесметрайсы-ни да көдна уджалөны вөрзаптөмын быд сезонө 1933—1935 годдэзсынь, кызд Ковыляев Максим Елизарович (Самковской участок), Харин Егор Федорович (Визайской мехвөрпункт), Четин Тимофей Афанасьевич (Визайской мехвөрпункт), Симаинов Дмитрий Елизарович (Визайской мехвөрпункт), Павлов Илья Андреевич (Юрлинской вөрпромхоз), Павлов Артем Андреевич (Юрлинской вөрпромхоз), обсудитөмсь вөрын уджалисезлөн общөй собраннэ-эз вылын да рекомендуйтчөны Вөр Промышленность Наркомлө „Вөр промышленностьлөн почетной уджалислө“ значекөн награда-төм вылө. **Полин**

Юрла. Вөрпромхоз

Вөркералиссезлө Артем да Илья Павловвезлө

Поздравляйтам медодза большевистской победаөн производство вылын. Желайтам одзланься успеххез тиян уджын.

Надейтчам, что тийө сетат эшө буржык результаттэз да локтат Гузиенколөн рекорддэз дынөдз и ассиныт опыт сетат быдөс рабочөййезлө.

Пермской областиын ВКП(б) ЦК Оргбюролөн

секретарь Гусаров

Уджалөны өрт Гузиенко метод сьөрти

Округ пасьта куреннэзын, вөручастоккезын пондөтчис чулөтчыны ыджыт массово политической удж өрт Гузиенколесь метод мяян округись вөрзаптисезлө разьясыяйтөм кузя.

Эта удж сетис-ни результаттэз.

Январь 25 лун кежө округись вөручастоккезын Гузиенко метод сьөрти организуйтөмсь 15 звено. Ны коласись медбура уджалөны звеноз:

Павлов Артем Андреевич—звено сулалө вит мортись, өтик лунөн кералисө вөр 68 фесметра; өтик морт вылө усьө 13,6 фесметра-өн.

Ыджыт награда

СССР Верховной Советлөн Президиум январь 21 лунө наградытис орденнэзөн да медаллэзөн 315 мортисө—Узбекской ССР-исъ сельской хозяйствонь одзын муниссезис. Оны Узбекской ССР-ын мунөны митинггез да собраннэз. Узбекской народыс пьма благодаритө партиясө, правительствосө да өрт Сталинсө. ыджыт награда цонда и заверяйтө нийө, что эшө буржык кутчасө быд культурались урожай лөбтөм бердө.

СССР ПАСЬТА

Из шом шедтан январьской план тыртөм 109,7 процент вылө

Советской странансы из шом шедтисез срокөдз тыртисө январь месяцыа производственной п л а н. Январь 22 лун кежө омөн Союз пасьта план тыртөм 109,7 процент вылө. Ыджыт успехөн уджалисө шахтерез Донецкой, Кузнецкой да Подмосковной бассейназысь.

Колхоз-миллионер

Рязанской областись Шиловской районись Кировнима колхоз 1938 годө получитис доход 1500000 руб. Стахановка Л. И. Заозина-лө уджлуннэз вылө усьө 4000 килограмм картовки, 1643 килограмм сю и унажык 1000 рублисө денгыа.

РУБЕЖ САЙЫН

Ленинскөй луннэз мөдик страназын

Январь 21 да 22 луннэзө быд страназысь уджались отир чулөтис ленинскөй луннэз. Ленин о л ө ны сьблөммезын.

Китайын ленинскөй луннэзө вөли лөдзөмсь натольной номерреэз. Нью-Йоркын да США-исъ мукөд городдэзын вөлисө гырис митинггез. Франция-ын Советской Союзлөн друзяэз ассоциация чулөтис Ленин память йылысь рыт, көда вылын вөлисө профессорез Байе, Ланжевен, Кюдено да мукөддэз.

Сьөкыт олан английской том отирлөн

Лондонын (Авглиялөн столичной городын) январь 23 лунө өксыс конференция, медбы велөтны впроектеской труд йылысь. Делегаттэз конференция вылын баитисө зверьской эксплуатация да безработица йылысь. Том отир, көдна кычайтөны вышөй учебной заведевнээз, быдса годдэзөн оз вермө адззыны асыныс удж.

Бристольс делегатка-керкуын уджались ньвка баитис сы йылысь, кызд зверьской эксплуатируйтөны английской богачез том ньвкаэзсө, прислугезын уджалисез эзсө. „Ме уджала н-деляб 100 час, — шувис сия, — а получайта эта понда дзык токо 8 шилинг и 6 пенса“ (10 руб гөгөр).

Япониянын шахтаэз да рудниккэзис хозяйиннэз озо зоботитчө сы йылысь, медбы рабочөй-гайс эз вийлө взрыввез да кысьбм-мез. Январь 21 лунө Миято городись өтик изшом шахтаын взрывсынь вийисө 92 рабочөйис.

Отв. редакторлисө
О. И-тись Н. Бражкин